

## ¡BOMBA!

Ahora emoción invade,  
ya regresan deportistas;  
por futuros medallistas,  
venga purga en la Conade



# K'uintsil

Lunes 12 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2296 · [www.lajornadamaya.mx](http://www.lajornadamaya.mx)

## U toritosil San Sebastián: u yáak'abil k'áak' yéetel niib óolalil

U cha'anil u Ko'olebil Asunción tu baantail San Sebastián, tu noj kaajil Jo', ku káajal tu K'iinil 3 ti' agosto yéetel ku ts'o'okol 19; sáansamale' ku yantal gremios, je'el bix le ku beeta'al tumen kolnáalo'ob wa u ajmeytajilo'ob kisbuuts'o'ob, ba'ale' ti'al le ku beeta'al tumen ajkiinsaj wakax wa jkon bak'o'ob, tu K'iinil 10 ti' agostoe', ojéela'an ku too'ka'al toritos, yéetel ku yantal u paaxil ka'alikil u buuts'aankil.

Te'el ja'aba', káaj u too'ka'al yáax torito tu kaampoil soft ball San Sebastián úuchik u káajal u paaxil banda xan; yáax jóopsa'abjump'éel u éestandarteil tu'ux chiika'an U Ko'olebil Asunción, ka'aj leelemnaj xan u ts'iibil tu'ux ku ya'alik u k'iinil k'iimbesaj beeta'an tumen ajkiinsaj wakax.

Chochobkil u yookbal le kaampoo', ts'o'oke' ti'al le áak'abo' too'ka'ab kex 20 u péel le toritoso'. Wiinik tu

kuchaj le toritoo' u yojel ba'ax ken u beetej: u cha'apachtik máaxo'ob yano'ob te'elo', u sutulsuut yéetel u che'ej ka'alikil u ja'aksik u yool le máaxo'ob biinjano'ob te'elo'.

Jumpuul u káajal u yila'al u wáak'al ba'al yéetel u jóopol sáasilo'ob. Le maas ma' saajko'obe', leti'e' táankelemo'obo', ts'o'oke' ti' ku yaalkabo'ob tu tséel le toritoo'. Ku kooliko'ob yéetel ku ts'aakubáaj u macho'ob.

Ts'íib yéetel oochel  
Rodrigo Medina